

兩漢書疏證



兩漢書疏證



漢書疏證卷一

吳 沈欽韓

高祖紀第一

顏師古注漢以來傳五經諸子如毛鄭薛漢馬融
後多見何休論語
於此何漢書
故史記漢書
注高祖漢書
亦非應漢書
通無一漢書
守節等漢書
該音義漢書
李善文漢書

漢書疏證卷一

師古其漢書
脫耳夫漢書
以質古漢書
開卷成漢書

豐邑中陽里人

太平寰宇記古宅在徐州豐縣城內即高祖故宅也一

統志豐縣故城即今豐縣治

母媼

趙策左師觸龍見趙太后稱媼此臣稱其君母廣雅媼

姐母也曹憲云按字書即祀字按雅
復尊以媼南書稱母曰社社與姐音同
史不得其姓氏故

嘗息大澤之陂

寰宇記大澤在豐縣北六里

已而有娠

御覽八春秋合誠圖曰堯母慶都出觀三河之首有赤
龍負圖出署曰赤帝起誠天下奄然陰風雨赤龍與慶
都合婚有娠也然帝信既是聖帝聖人生聖子何為遠
假異類以著神靈識緯之書大抵妖妄而漢人公然以
汚簡牘如熹平四年帝堯碑云慶都與赤龍交而生伊
堯成陽靈臺碑云游觀河濱赤龍交始生堯欲以神堯
反為侮聖又按班彪王命論云劉媪任高祖而夢與神
遇神者即高祖也考釋典新婆沙論云健達縛即入胎之神識

漢書疏證卷一

二

如食香神虛空無爾時二心展轉見前入母胎藏修行
身故中有名之爾時二心展轉見前入母胎藏修行
道地經云應來生者父母精合便入胞胎又問菩薩中
有何名中有以居死何處入胎答從右脅入輪土獨覺
入胎位從生門入然如上說則母之胞胎已有神識來
依惟異人降生則石感遇佛本行經摩耶夫人於睡眠
而下入堯於高祖所感正此類耳若先未有身而為怪
物所憑以汚族姓德同房后豈帝王之應運者乎

龍顏

韋昭齊語注云顏眉目之間果堂先生欽韓再說
云橫在髮際前者曰額顙亦曰額額之中曰顙曰庭眉

目開亦通曰顏

爲泗上亭長

賓宇記泗水亭在徐州沛縣東南一里高祖昔爲亭長
今有廟

注 銅陽音紂

按銅音紂紅反爾雅釋文銅音童又逐拱反孟康本音
傳寫者脫去紅反二字後來刻玉篇廣韻者遂訛出直
柳一音趙一清已辨之

單父人

一統志單父故城在曹州府單縣南一里

漢書疏證卷一

二

主進

說文賁會禮也此作進者列子黃帝篇湯智明進智力
劉向校云字誤以盡爲進古賁亦作盡聲同通爲進耳
釋詁盡進也

合諸大夫

諸大夫謂官大夫以上也高祖詔書有云秦民爵公大
夫以上令丞與抗禮古亦有卿大夫豈得泛然總稱客
乎

呂公大驚起迎之問

此必呂公素重高祖之名豈爲萬發驚起哉

告歸之田

孟康云成帝時二千石賜告不得歸家此見馮野王傳
和帝時子告賜告皆絕按後書循吏傳光武詔衛琬以
桂陽太守歸家居二歲載病詣闕此太守得帶印綬歸
家也隸釋孔耽碑云郡將烏程沈府君表病委職署君
行事按劉昭引古今注建武六年三月令郡太守諸侯
相病丞長史行事與碑文合碑立靈帝光和時雖不得
歸家亦得謝事在郡養病也然亭長等自有旬假之制
不得與郡守病告同也

以竹皮爲冠

漢書疏證卷一

四

續漢志劉氏冠民謂之鵠尾冠非也晉志後除竹用漆

經

求盜

方言楚東海之閒亭父謂之亭公卒謂之弩父或謂之
褚郭云言衣赤也廣雅亭父更褚卒也按方言似以亭父爲亭長褚少孫田仁傳任安
代人爲求盜亭父

送徒驪山

一統志驪山在西安府臨潼縣東南縣志山在縣南里
許綿互而東五十餘里

解縱所送徒

西京雜記高祖將與故人訣去徒卒贈高祖酒二壺鹿
肚牛肝各一高祖與樂從者飲酒食肉而去後卽帝位
朝哺尚食常具此二炙並酒二壺

拔劍斬蛇

三輔黃圖太上皇徵時佩一刀長三尺上有銘字難識
傳云殷高宗伐鬼方時所出也上皇遊豐沛山中寓居
窮谷有人冶鑄上皇息其旁問曰鑄何器工者笑曰爲
天子鑄劍慎勿言得公佩劍雖而治之拾遺記作卽成
神器可克定天下上皇解匕首投鑪中拾遺記俄而煙
晦劍成上皇以賜高祖高祖佩之斬白蛇是也及定天

漢書疏證卷一

五

下藏於寶庫守藏者見白氣如雲出戶狀若龍蛇惠帝
卽位以前庫貯禁兵器名曰靈金內府西京雜記劍上
至以爲飾雖五色流離爲劍匣在匣中光景照宋
於外與挺劍不殊開囊拔鞘輒有光采風氣射人
書百官志東京法駕出侍中負傳國璽操斬白蛇劍參
乘晉書輿服志晉惠帝時武庫火燒之

欲苦之

呂覽疑似篇梁北黎邱邑丈人有之市而醉歸者黎邱
之鬼效其子之狀扶而道苦之與此義同作答者非

東南有天子氣

劉昭郡國志注千寶搜神記曰秦始皇東巡望氣者云

五百年後江東有天子氣始皇至今因徒十萬人掘汙
其地表以惡名改醉李曰由拳縣元和郡縣志潤州丹
徒縣秦以其地有王氣始皇遣赭衣徒三千人鑿破長
隴故曰丹徒

陳涉起蕲

一統志蕲縣故城在鳳陽府宿州南元併入宿州今有
蕲縣集

鼙鼓

周禮太祝辨鼙逆性鄭云鼙謂薦血也凡血祭曰鼙
疏云賈氏云鼙鼓宗廟馬氏云血以塗鐘鼓鄭不從而
以爲薦血祭記者下文云既祭令徹則此上下皆是祭

漢書疏證卷一

六

記之事何得於中祇有鼙鼓塗鼓直稱鼙何得兼言是
隋故爲祭祀薦血解之按此故說文亦曰鼙血祭也是
鼙廟塗鐘鼓祭器與薦血之鼙各別也臣瓚說是應劭
於此解鼙爲祭義不切也應劭云鼙呼者呼與鞀同韻
會鞀集韻或作呼易解象百果草木皆甲坼注坼呼
也陸德明釋文呼火切按本傳甲坼趙岐孟子注
新鐘殺牲以血塗其鼙卽此與應劭義同也嗔人注鼙
讀爲微疏云微爲飾治之義亦塗治其鼙卽耳師古兩
駁俱謬

魏咎自立爲魏王

按魏咎爲周市所立呂東謂周市虛位以待咎者四月

史記月表謂魏王咎在陳不得歸國十二月陳勝死乃自陳歸立與此所次先後異

攻胡陵方輿

顧祖禹方輿紀要胡陵城在徐州沛縣北五十里與山東魚臺縣接界方輿城在兗州府魚臺縣城北唐改為魚臺縣志云城北舊有小城即故方輿縣治引兵之薛

方輿紀要薛城在兗州府滕縣南四十里

走至戚

方輿紀要戚城在滕縣西南五十里

漢書疏證卷一

七

沛公左司馬得殺之

史記索隱曰師古云得司馬之名非也後云左司馬曹無傷自此以下更不見替易處按此言左司馬獲得之不敢定是曹毋傷

還軍亢父

一統志亢父故城在濟甯州南五十里

在留

方輿紀要留城在沛縣東南五十里

屠相

一統志相縣故城在鳳陽府宿州西北括地志在符離

縣北九十里

至碭

一統志故碭縣蓋即今徐州府碭山縣南之保安鎮

攻下邑

一統志下邑故城在碭山縣東

於臨濟

一統志臨濟故城在青州府高苑縣西北

至城陽

城陽為成一統志成陽故城在曹州府濮州東南

至雍邱

漢書疏證卷一

八

一統志雍邱故城今開封府杞縣治

章邯夜銜枚

賈公彥疏續謂以組為之繫著兩頭于項後結之

至陽城與杠里

史記作成陽為是陽城在潁川西界非由碭所至地成

陽縣在濟陰郡今曹州府故下文攻破東郡尉於成武北攻

昌邑皆其旁近後自東郡向陳留至洛陽戰不利乃回

軍從轅轅至潁川之陽城耳水經注濟陰句陽縣有小

成陽都關縣有羊里亭疑此成陽杠里處方輿紀要杠

里在成陽西

於成武

今曹州府屬縣

遇剛武侯

史記正義括地志故剛城在兗州龔邱縣界方輿紀要

剛城在兗州府甯陽縣東北三十五里

至栗

方輿紀要栗城在歸德府夏邑縣東

北攻昌邑

方輿紀要昌邑城在兗州府金鄉縣西北四十里

里監門

漢書疏證卷一

九

何休公羊注

宣十在邑曰里一里八十戶入家共一巷

中里爲校室選其耆老有高德者名曰父老其有辯護

伉健者爲里正田作之時春父老及里正旦開門坐塾

上晏出後時者不得出莫不持樵者不得入按此則監

門者主啟閉

墨子公輸若墨子過宋天

後書范氏傳

友里孔高監門非卒也司徒里宰注云

備爲新野縣

阿里街卒監門者里宰治處若今

會戰白馬

一統志白馬故城在衛輝府滑縣東二十里

又戰曲遇東

一統志在開封府中牟縣東

戰犂東

一統志犂縣故城在汝州魯山東南五十里

至丹水

一統志丹水故城在南陽府浙川縣西

還攻胡陽

一統志胡陽故城在南陽府唐縣南八十里

攻析鄴

一統志析縣故城在南陽府內鄉縣西北鄆縣城在縣

東北

漢書疏證卷一

十

距曉關

宋敏求長安志藍田關在藍田縣東南九十八里卽秦

曉關也後周明帝武成元年徙青泥故城側改曰青泥

關武帝建德三年改曰藍田關隋大業元年徙復舊所

卽今關是曉山在縣南二十里

踰黃山

長安志黃山在藍田縣東南二十五里

元年

聚於東井

魏書高允傳允曰按星傳金水二星常附日而行冬十一月日在尾箕昏沒於申南而東井方出於寅北二星

何因背日而行史官欲神其事不復推之於理接張耳
為陳餘所敗甘公曰漢王之入關五星聚東井張耳因
此歸漢甘公星家之祖當時已有此言非史官神其事
且金水二星雖云附日亦有逆伏之差若云決無背日
則孝景元年正月癸酉金水不當合於婺女也唐書麻
志大衍麻議曰五星聚東井從歲星也宋書天文志星
傳曰四星若合是謂太陽其國兵喪並起君子憂小人
流五星若合是謂易行有德受慶故立王者奄有四方
無德受罰離其國家滅其宗廟今按遺文所存五星聚
者有三周漢以王齊以霸周將伐殷五星聚房齊桓將
霸五星聚箕與此五星聚東

漢書疏證卷一

十一

井齊則永終侯伯卒無更紀之事是五星聚亦有不易
行者矣即覽五春秋元命苞云殷紂之時五
星聚房房者星之精周據而興

係頸以組

楚策蔡聖侯不以國家為事子發受命乎宣王繫以朱
絲而見之自後獻俘者皆如此五代史劉守光傳晉王
至太原劉仁恭父子曳以組練獻於太廟是也師古以
為璽綬謬

封秦重寶財物府庫

西京雜記高祖初入咸陽宮周行府庫金玉珍寶不可
稱言其尤珍異者有青玉五枝鐘高七尺五寸作蟠螭

以口銜鐙鈴然則鱗甲皆動復鑄銅人十二人坐皆高
三尺列在一筵上琴筑笙竽各有所執皆綴花采儼若
生人筵下有二銅管上口高數尺出筵後其一管空一
管內有繩大如指使一人吹管一人紐繩則眾樂皆作
有琴長六尺安十三絃二十六徽銘曰璠璣之樂玉管
長二尺三寸二十六孔吹之則見車馬山林隱顯相次
吹息亦不復見銘曰昭華之瑄有方鏡廣四尺高五尺
九寸表裏有明人照之則見腸胃五藏慙然無核人有
疾病在內掩心而照之則知病之所在又女子有邪心
則膽張心動秦始皇以照宮人膽張心動者殺之高祖

漢書疏證卷一

十二

悉封閉以待項羽羽併將以東後不知所在
傷人及盜抵罪

管子小問篇寡人之抵罪也久矣注抵當也

或說沛公曰

索隱楚漢春秋云解先生而張良世家云解生鱖小也
即解生

皆為龍成五色

隋書天文志天子氣內赤外黃又敵上氣如龍馬鬱鬱
衝天者此帝王之氣不可擊越絕書子胥相氣法曰軍
抵此天應不可
攻攻之無後

公巨能入乎

服虔音渠此古義也荀子修身篇渠渠然注渠讀為逮

渠遠古字通張儀傳蘇君在儀甯渠能乎注渠音詎列子黃

帝篇范氏之黨以為偶然未詎怪也楚策臣以為王鉅

速忘矣是渠巨詎鉅字通師古俗儒乃解為豈

有意督過之

趙策張儀為秦連橫說趙王曰惟大王有意督過之也

王梁楚地九郡

錢氏大昕曰羽既以長沙奉義帝九江王英布衡山王

吳芮南郡王共敖而梁河內河東不在羽封域之內則

漢書疏證卷一

主

羽所有者於秦三十六郡中實得泗水碭薛會稽四郡

而史稱九郡者據當時分置郡名數之也高帝六年以

故東陽郡鄣郡吳郡五十三縣立荆王以碭郡薛郡鄣

郡三十六縣立楚王然則九郡者泗水也東陽也東海

也即鄣郡碭也薛也吳也會稽也東郡也鄣也灌嬰傳度

江破吳郡長吳下遂定吳豫章會稽郡豫章當作鄣吳王濞

傳上患吳會稽輕悍是會稽之外更有吳矣水經注廣

陵城楚漢之間為東陽郡是有東陽郡矣按吳未嘗分

為郡會稽治吳即郡治名之東郡亦不屬楚錢說稍牽

合姑備一說耳

都廢邱

寰宇記大邱一名槐里城在雍州興平縣東南十里

都櫟陽

西安府志漢櫟陽縣城在臨潼縣東北七十里

都高奴

元和郡縣志鄠州為上郡雕陰縣地延州為上郡高奴

縣地今州理即高奴城明統志高奴故城在延安府城

東五里師古云在鄠州界非也

都朝歌

一統志朝歌故城在衛輝府淇縣東北

漢書疏證卷一

西

都六

一統志六縣故城在六安州北

都邾

一統志邾縣故城今黃州府黃岡縣治

都平陽

一統志平陽故城在平陽府臨汾縣西南

從杜南入蝕中

元和志略谷路在今洋州西北二十里州至谷四百二

十里晉司馬勳出駱谷破趙成壁於懸鉤去長安二百

里按駱谷在長安西南口曰儻谷北口曰駱谷此則入

漢之道索隱云王劭按說文作蝕器名地形如器故名之按此則字當從金說文蝕枯屬也从金蟲省聲徒冬

反玉篇蝕鉏大兒廣雅蝕鉏謂之蝕曹惠音形蓋即蝕字司馬勳壁懸鈎者或其

地與方輿紀要子午谷或曰即古蝕中非

亦視項羽無東意

毛詩三禮通作視字鄭云視古示字不獨漢書爲然

五月漢王引兵

史記作八月按漢王以四月就國決策東向部署將帥

非一月所能辦云八月者是

從故道

漢書疏證卷一

圭

方輿紀要故道城即今鳳縣治在漢中府西北三百八

十里北至鳳翔府二百六十里一統志故道故城在漢

中府鳳縣西北

擊漢陳倉

一統志陳倉故城在鳳翔府寶雞縣東

戰好時

一統志好時故城在乾州東北

距之陽夏

一統志陽夏故城今陳州府太康縣治

二年有修行

續漢志河南尹注循行二百三十人修循字易淆隸釋北海相景君碑陰亦作循行

縣三老

倉頡碑陰衙縣三老上官鳳衙鄉三老時勤此有縣三

老鄉三老之證也又有郡三老國三老王國見袁良碑

及後書王景傳

得劫五諸侯兵

董敦增曰此處五諸侯有河南韓殷魏等而項籍傳贊

云遂將五諸侯滅秦又係何人尋其條貫當據故七國

以其地言不以其王言也漢定三秦即故秦地項羽王

漢書疏證卷一

圭

楚即故楚地其餘韓魏趙燕齊爲五諸侯劫五諸侯兵

猶言引天下兵耳故漢伐楚楚滅秦並可言五諸侯也

按楚滅秦除項羽本楚自可云五國如董說漢劫五諸

侯兵時燕齊趙未嘗以兵付漢也當從韋昭說

到外黃

一統志外黃故城在開封府杞縣東

大戰彭城靈壁東

史記云追至靈壁爲是一統志靈壁城在宿州西北元

和志靈壁故城在宿州離符縣東北九十里蓋其時當

在蕭縣界不得與彭城相連晉書豫州刺史劉喬遣其

子祐拒東海王越於蕭縣之靈壁

睢水上

一統志睢水自河南歸德府永城縣東南流入經宿州北與徐州府蕭縣接界又東流經靈壁縣六十里又東入睢甯縣界

魏王豹反爲楚

史記月表與此同帝紀次在三年非也蓋楚破漢豹歸國卽從楚漢以九月虜豹至三年十月韓信已東下井陘擊趙

三年黃屋左纛

漢書疏證卷一

七

宋史輿服志王輅自唐顯慶中傳之至宋其制箱上置平盤黃屋又儀衛志卑纛本後魏纛頭之制唐衛尉器用纛居其一六典注云漢書有纛頭每天子行幸及大軍征伐則建於旗上也蓋旄頭之遺象制同旗無文采去纛首六腳後志云今制卑邊卑旂旂爲火焰之形每一人持一人拓之陳於鹵簿左右各六按續漢志云左纛以旄牛尾爲之則唐宋所施之纛出於虜俗如突厥狼頭纛非漢左纛也又按說文翳翳所以舞也詩曰左執翳徐錯云今俗作翻詩釋文翳徒報反俗作纛爾雅復云纛又作翳然字本从羽爲翳故李斐解此云毛羽幢漢以旄牛尾亦非古之羽翳也

出滎陽至成皋

一統志成皋故城在開封府汜水縣西北鄭制邑亦名虎牢

出成皋玉門北渡河

水經注河水南對玉門方輿紀要玉門成皋西門也宋時西關門亦曰玉關張晏云北門誤

宿小修武

一統志小修武聚在衛輝府獲嘉縣境修武故城今獲嘉縣治

四渡兵汜水

漢書疏證卷一

六

水經注汜水北逕虎牢城東又北流注於河左傳有東汜水南汜水僖二十四年王處於汜杜預云南汜也僖三十年秦軍汜南杜云此東汜也按東汜卽今汜水縣南汜許州襄城縣也元和志異王出居此因名襄城軍廣武
史記秦本紀昭王四十四年攻韓汾陘拔之因城河上廣武水經注濟水過西廣武東廣武城北夾城之間有絕澗斷山謂之廣武澗元和志鄭州滎澤縣東廣武西廣武二城各在一山頭相去二百餘步
封侯公爲平國君

文選注七十楚漢春秋日上欲封侯公匿不肯復見曰

此天下之辯士所居傾國故號平國君通鑑葉少蘊云金卿長侯君碑

云公諱成字伯盛防人諡安國君曾孫嗣封明統侯此漢所不詳者

年五至固陵

按改名固始乃寢邱非固陵也上云漢王追項羽至陽夏南則固陵在陽夏矣彪續志陽夏有固陵聚元和志在陳州宛邱縣西北四十三里

屠城父

一統志城父故城在潁州府亳州東南元和縣志西北至州七十九里明初廢今名城父村

漢書疏證卷一

五

圖羽孩下

元和志孩下聚在宿州虹縣西南五十四里舊志在鳳陽府靈璧縣東南陰陵山之南

四面皆楚歌

周殷劉賈悉發楚地兵隨漢故皆楚歌宋書樂志舊歌相和曲有雞鳴高樹巔索隱引顏延之語與師古此注同

斬羽東城

方輿紀要東城在鳳陽府定遠縣東南五十里

稷嗣君

嗣齊稷下之風猶婁敬號奉春君凡稱君者皆無封地

孟康說非

汜水之陽

一統志汜水在曹州府曹縣北四十里與定陶縣分界謂之番君

寰宇記饒州鄱陽縣史記楚昭王時吳伐楚取番是也郡城卽吳芮爲番君所築

置酒雒陽南宮

大事記輿地志云秦時已有南北宮更始自雒而西馬奔觸北宮鐵柱門光武幸南宮卻非殿蓋秦雖都關中猶放周東都之制

漢書疏證卷一

五

高起王陵對曰

錢大昭云魏相傳述高帝詔長樂宮者但有將軍臣陵無臣起漢紀亦無高起二字疑衍

七月燕王臧荼反

月表與此同在七月史於帝紀訛爲十月方回古今考云漢表誤爲四年按荀悅漢紀又在此年八月

治長樂宮

三輔黃圖長樂宮本秦之興樂宮高皇帝始居櫟陽七年長樂宮成徙居長安城三輔舊事宮殿疏皆曰興樂宮秦始皇造漢修飾之周回二十里宋敏求長安志關中記曰秦始皇長

樂宮有魚池序同玉前殿東西四十九丈七尺兩好中海亭

臺酒池臺三十五丈深十二丈長樂宮有鴻臺有臨華殿溫室殿有長信長秋永壽永甯四殿高帝後太后常居之

六年田肯賀上

顏之推家訓證江南本皆作宵字沛國劉臻答梁元帝曰臣家藏舊本以雌黃改宵字為肯吾至江北見本為肯

建領水也

管子度地篇領之尺有十分之三注每領而有十尺即長一丈也里滿四十九者水可走也注里開之每里滿此九如此則水可走上矣

漢書疏證卷一

三

瓶也詩傳蠶令適也屋檐瀉水者以板為之如瀉以為瓶非也

以碭郡薛郡鄒郡三十六縣立弟文信君交為楚王

錢大昕曰地理志梁國故秦碭郡高帝五年為梁國梁為彭越所封楚元不能得之當從傳王薛郡東海彭城三十六縣為是

濟北博陽

異姓王表濟北王田安都博陽一統志泰山郡博縣亦曰博陽改為泰山郡博縣故城在泰安府東南

太公家令

按此則太公有湯沐邑也故置家令漢太子公主並有家令列侯有家丞唐六典家丞凡莊宅田園必審其頃畝分其疆界置於籍書若租稅隨其良瘠而為收斂之數以時入之則家令丞掌食邑也

太公擁孳

史記鄒衍如燕昭王擁孳先驅按管子弟子職振衽掃席此謂拂席致敬也

七年於銅鞮

明史地理志山西沁州春秋晉銅鞮地一統志故城在州南

漢書疏證卷一

三

曼邱臣

廣韻丘字注漢複姓四十四氏孟子齊有曼丘不擇別有毋丘儉非一姓也

至樓煩

一統志古樓煩國及漢樓煩縣俱在今代州雁門關北晉徙於崞縣東

遂至平城

方輿紀要平城廢縣在大同府東五里晉隆安三年拓拔珪自盛樂徙都平城謂之代都

代王喜奔國

史記在八年表又錯在九年

耐以上請之

按應劭如渚說皆古義師古兩不得其讀說文而類毛也象毛之形又耐罪不至髡也奴代切或作耐從寸應劭說與說文同則正宜音乃代反若依如渚說則讀爲泥鄭禮運注云耐古能字疏云後來能字仍假龜三足之能爲能釋文能如字又奴代反按又音非也亦有誤不安寸直作而字則易屯卦云利建侯而不甯釋文鄭讀而曰及劉向說苑能字皆爲而按荀子修身篇累土而而不輟耶山崇而奮以又鄭樂記注耐古能字後世變之此獨存焉古尙同

漢書疏證卷一

重

以能爲三台字此如渚之所本也然古耐爲能世已不行轉讀能爲耐以協文義如趙充國傳漢馬不能冬此則以古之耐罪而爲能之別義俗訓耳

立東闕北闕前殿

西京雜記蕭相國營未央宮因龍首山製前殿建北闕未央宮周迴二十二里黃圖二里九十五步五尺街道周迴七十里黃圖前殿東西五十丈臺殿四十三其三十三二在外其十一在後官池十三山六池一山一亦在後宮門闕凡九十五按黃圖未央宮四面皆有公車司馬門王莽曰王路四門師古謂公車司馬惟在北闕者謬

新序二無鹽女詣齊宣王頓首司馬門此似列國已有其制或漢人所說參雜時制也八年於東垣

一統志東垣故城在真定府真定縣南

曰柏人

一統志柏人故城在順德府唐山縣西元和志邢州堯山縣本曰柏人後魏改人爲仁天寶元年改故城在縣西北十二里金世宗改名唐山

長吏視莽

長吏謂丞尉也

上奉玉卮

漢書疏證卷一

重

韓非子外儲右今有千金之玉卮而無當不可以盛水則卮是注器有當者也考工記觚三升注觚當爲觶疏云觶制此下所引是今韓詩說一升曰觶二升曰觚三升曰觶四升曰角五升曰散古周禮說同按周禮一獻三酬當一豆斗同卮卮二升不滿豆矣鄭駁云觶字角旁著氏汝穎之閒師讀所作今禮角旁單古書或作角旁氏說文卮卮飲酒卮或從辰禮經觥角旁氏則與觥字相近學者多聞觥寡聞觥爲此書亂之而作觥耳按金石錄云大觀中觥及觥二器如觥量之適容三爵與考又燕禮升騰觥工記合也然此趙氏不辨觥觥而妄說於公注言觥者字之誤也古者觥字或作角旁氏由此

誤爾然解瓶字雖異皆三升酒器應劭云受四升者誤也與說文同厄與瓶音義各別說文厄闔器一名瓶所以節飲食象人節在其下也莊子釋文厄酒闔器也又王云大厄器滿卽傾空則仰隨物而變非執一守故者也按項羽賜樊噲厄酒明此又以厄爲飲器與說文義合

於三升禮器自別而云厄作瓶末之間也

常以臣亡賴

孟子富歲子弟多賴趙岐注賴善也廣雅釋詁同疏證云衛策云爲魏則善爲秦則不賴矣亡賴猶云亡善也

懷氏

漢書疏證卷一

姜

廣韻懷又姓吳志顧雍傳有尙書郎懷敘據史記亦楚

族

十年夏五月太上皇后崩秋七月太上皇崩

荀紀作太上皇崩秋七月癸卯太上皇葬於萬年按此

衍一后字於下衍一崩字耳史記直作七月太上皇崩

櫟陽宮如淳李奇皆據史記故以是八字爲長文

又衍一葬字李奇後母一說亦可備考

葬萬年

元和志帝既葬太上皇於櫟陽之萬年後遂分櫟陽置

萬年縣以爲陵邑理櫟陽縣城中故櫟陽城亦名萬年

城按黃圖高帝葬太上皇於櫟陽北原因置萬年縣於櫟陽大城南以爲奉陵邑其後在東者爲太上皇西者昭靈后按晉灼引漢儀注先媼葬陳留小黃據韋玄成傳太上皇居陵旁立廟而昭靈后等各有寢園後漢書

虞延傳光武東巡過小黃高帝母昭靈后園陵在焉則

高祖母不同葬萬年明矣

劉昭引漢舊儀與晉灼同水經注濟水東逕小黃縣故城北沛公起兵野戰裏皇妣於黃鄉天下平定乃以梓宮招魂幽野於是丹蛇自水濯洗入於梓宮其治處有遺

髮因作黃圖復云昭靈后在萬年則李奇後母之說有

因也又據西京雜記太上皇徙長安居深宮懷愴不樂

高祖竊因左右問其故以平生所好皆屠販少年酤酒

漢書疏證卷一

姜

賣餅鬪雞蹴鞠以此爲歡今皆無此是以不樂高祖乃

作豐移諸故人實之太上皇乃悅故新豐多無賴無衣

冠子弟高祖既作新豐并移粉榆舊社衛巷棟宇物色

惟舊士女老幼相攜路首各知其室放牛羊犬雞於通

塗亦競識其家匠人胡寬所營也然太上皇當居新豐

而史記云崩櫟陽宮則新豐或其時出遊觀處

得孫叔封之樂鄉

元和志定州新樂縣漢新市縣之地新樂漢成帝時中

山孝山母馮昭儀隨王就國建宮於樂里在西鄉呼爲

西樂城時人語訛呼爲新樂是樂鄉在新樂縣也一統

志樂鄉故城在深州東南三十里又云在保定府清苑縣東南樂毅所封在此

十一軍曲逆

一統志曲逆故城在保定府完縣東南

攻聊城

一統志聊城故城在東昌府聊城縣西北十五里

至馬邑

一統志馬邑故城今朔平府朔州治

於參合

一統志參合故城在大同府陽高縣東北

漢書疏證卷一

毛

川一

常以十月朝獻

續禮儀志正月朔歲首爲大朝受賀贊公侯壁中二千

二千石羔千石六百石雁四百石以下雉其每朔惟十

月旦從故事者高帝定秦之月元年歲首也晉志漢武

夏正至於十月朔猶帝禮會如元正之儀魏晉則冬至

日受方國及百餘稱賀因小獻宋志承初元年停慶冬

褚少孫梁世家補云諸侯王朝見天子漢法凡當四見

耳始到入小見到正月朔旦奉皮薦璧玉賀正月法見

按武帝太初後三日爲王置酒賜金錢財物後二日復

入小見辭去凡留長安不過二十日小見者燕見於禁

率人歲六十三錢

按民賦百二十爲一算此歲取六十三錢未詳即在算

內若算外

人主不交故也

易泰象上下交而其志同也此詔蓋儒生爲之

御史大夫下相國相國下諸侯王

按是時未有尙書則凡詔令御史起草付外施行御史

大夫爲長故經由下相國也史記三王世家大司馬霍

去病請立皇子爲王備載其品式與此正同相國下諸

侯王者時諸侯王國皆自置二千石非漢官故直使諸

漢書疏證卷一

天

川一

侯王知之

遣詣相國府

後此上計秀孝皆集丞相府東京猶集司徒府皆其故

事古文苑董仲舒奏記公孫宏云願君侯大開蕭相國

求賢之路廣選舉之門則此詔實蕭相國所贊成後承

相公孫宏開東閣以延賢人薛宣語朱雲且留東閣以

觀四方奇士

署行義年

劉貢父讀曰儀非也蓋署其行義與年之高下而任使

之昭宣世令郡國王元長曲水詩序作署行議年彼取

與興廉舉孝屬對非漢詔本文

癰病勿道

素問宣明五氣論膀胱不利為癰又奇病論注癰小便不得也

頗益淮陽

錢云謂分東郡潁川之支縣以益二國非廢此二郡也
十二年布軍洮水南北

方輿紀要或以為南直溧陽縣之洮河也在溧陽縣北二十里又得勝河在泗州天長縣北七里有破城城下為破城

渡相傳漢敗淮南王英布引兵渡此因名循英布敗走

漢書疏證卷一

无

自淮而江自江而入彭蠡湖死於鄱陽則洮水當在江

南別有洮水在桂林府全州北五十里者非此洮水也

胡三省誤指彼當之若然布已越江湘而入南越胡為

死於鄱陽乎

於當城

一統志當城故城在宣化府蔚縣北

汝狀有反相

齊策齊兒辨謂靖郭君曰太子相不仁過顧豕視若是者信反呂覽知士篇作過顧豕視高誘謂不仁之人劉辰翁曰過顧即俗所謂耳後見肥豕視即相法

下邪孔叢執節篇子順曰聞諸孫卿長曰而豕視者必

體方而心圓每以其法相人千百不失

女子公主

晉語優施謂里克妻曰主孟章昭曰大夫之妻稱主按公即君之稱帝女食邑即是封君故稱公主同姓主婚為公主春秋之制以概秦漢真俗儒說也吳起傳公叔為相尚魏公主李斯傳諸男皆尚秦公主劉貢父曰公主之稱本出秦舊男為公子女為公主是也按自重臣之親以下並說諸侯王國中事言其用事重臣得封侯所生女子皆號公主與天子制同優之也

漢書疏證卷一

三

韋昭以為魏桓據史記作齊桓侯裴駟云田和之子桓

公午也韓非喻老篇作蔡桓侯鶡冠子世賢篇作魏文

王皆傳記之訛

此後亦非乃所知也

雜記祝稱卜葬虞夫曰乃乃者本夫對妻之辭

帝崩於長樂宮

通典漢舊儀曰高帝崩三日小斂室中牖下作栗木主長八寸前方後圓圍一尺置牖中望外內張綿絮以鄣外以皓木大如指長三尺四枚纏以皓皮按皓木皓皮未詳置牖中主居其中央七日大斂棺以黍飯羊舌祭之牖中